

刀筆菁華



虞山襟霞閣主編輯

刀筆菁華正編

上海中央書店印行

# 編輯微意

刀筆二字由來已久。大抵濫觴於漢之蕭曹。後世稱刀筆吏者。實煩有徒。不可指屈。降及明末。黨錮繁興。而東林清流中諸子。專以攻訐隱私爲能事。因此刀筆吏遂爲名流所嫉視。洎乎遜朝。化廣義爲狹義。自刑幕訖訟師。莫不研習於深刻之筆墨。險峻之語調。往往一語足以生殺。多人一字足以左右全案。於是人皆畏。指其人曰。此刀筆吏也。讀其作曰。此刀筆文也。工於刀筆者。益橫行而無忌。肆志而妄爲。在職者。既得藉此上下其手。在野者。亦足以魚肉一方。因此黑白混。而是非淆。天下無真是非。滿清吏治之壞。實基於此。嗚呼。刀筆二字。古今多少罪惡。假汝以行世間。多少良黎死於汝。下可勝浩嘆哉。

自民國成立。司法改良。以來。訴狀重理。由遵法律。貴明白。曉暢。不准砌詞。架說。禁用險字惡語。因是刀筆之文不行。而刀筆之吏遂歸於天然之淘汰。然則此刀筆華華一書。曷爲而編之。刊之。公然發行於世耶。曰。余編此書。有兩種。

界。說。對。於。惡。意。的。刀。筆。文。字。刊。之。以。公。佈。其。罪。狀。使。天。下。後。世。皆。知。其。人。以。刀。筆。行。世。卒。至。以。刀。筆。自。殺。其。身。亦。卽。示。人。以。天。道。好。還。之。意。對。於。善。意。諸。作。當。然。表。現。其。忠。勇。之。氣。概。靈。敏。之。思。想。藉。此。以。啓。發。人。之。心。腦。開。拓。人。之。胸。襟。區。區。彰。響。憚。惡。之。意。諸。君。當。於。言。表。可。見。見。仁。見。智。自。在。諸。公。小。子。不。敏。敢。求。匡。過。

建國十二歲榴火紅銷之際海巫襟霞閣主人識於補過軒中

# 朱序

遜清末紀。訟師颯起。好爲造意深刻。筆墨銳利之文字。以其混黑白。而淆是非。世遂名之曰刀筆。功令懸爲厲禁。然若輩非胸中雪亮。舌底瀾翻。不能爲此種尖刻文字。吾人究未可以人廢才也。老友平子襟霞。前輯中國惡訟師一書。歷敘有清一代訟師之遺聞軼事。大足供人玩味。一編出世。風行全國。雖婦人孺子。咸以書中情節。資爲談笑。良以訟師之心思靈敏。手段機警。一舉一動。頗具滑稽之旨趣。足以感動人心。近則專輯訟師之刀筆文字。刊行一冊。並附以老

吏之批判名臣之奏疏。以及近代著名律師之訴狀。舉凡精警之作。搜羅造盡。彙爲四編。刊行於世。其中佳構如林。琳瑯滿紙。大足以開拓人之心胸。啓發人之思想。苟披讀一過。獲益匪淺鮮也。襟霞問序於余。余爲略敘大綱。樂爲閱者諸君介紹焉。

民國十二年夏歷五月 律師朱樹楨敘於滬西寓齋

# 趙序

刀筆二字。非惡名詞也。以直爲直。大足以救人。以曲爲直。始足以殺人。是在人之心術耳。苟心術不正。而濟之以才。流爲刀筆之吏。淆是非。混黑白。致法庭無真是非。而吏治遂不可收拾。當遜清之季。工於刀筆者。在在有人。然其中不乏一二傑出之士。守正不阿。潔身自好。以三寸毛錐子。鳴不平於人間者。故未可一筆抹殺也。襟霞閣主人。近編刀筆菁華一書。以全稿四卷示余。囑余序一言於簡端。予略視一過。覺編者之選材精粹。非倉卒編撰者。卷中多佳構。一語有



一語之靈機。一字有一字之靈機。大足以啓發人之  
心思腦力。增進人之智識思想。直可名謂心計專書。  
凡欲工於心計者。不可不一披讀之。更足爲近世律  
師撰狀之藍本。辯護之助手。誠有裨於讀者。匪淺鮮  
也。行見斯編一出。紙貴洛陽。爲有識者所同賞也。  
共和十二歲衡陽趙秋帆序於保定官廨

# 凡 例

本書第一編專輯前清各地著名惡訟師之稟帖辯訴附以全案事迹俾可以見當時作者之心思精細用筆尖刻大足以啓人智慧增人閱歷

本書第二編專載前清老吏之判牘筆筆有力語語傳神可滋近世吏治之借鏡下判之參考獲益當匪淺鮮

本書第三編專載明清兩季之名臣參奏疏摺所謂鐵肩担道義辣手著文章者是也閱之令人忠勇之氣油然而生

本書第四編採錄近世著名律師之訴狀而所輯皆精警銳利之作條理詳晰言詞斐然足滋當代法律家之參閱

刀筆  
菁華  
正編  
總目

●趙秋帆序文●

第一冊……

訟師惡稟菁華  
訟師撰狀要訣

第二冊……

老吏判牘菁華  
滑稽批詞選粹

第三冊……

名臣奏疏菁華  
名臣劾案彙編

第四冊……

律師訴狀菁華  
律師辯訴選粹

●朱樹楨序文●

新編  
評注

# 訟師惡稟菁華

次目

襟霞閣主編次

香鈞沾泥之惡稟.....謝方樽

古井生波之惡稟.....馮執中

冒認夫屍之惡稟.....馮執中

便血誣姦之惡稟.....謝方樽

龍陽誣控之惡稟.....謝方樽

逆子控父之惡稟.....金鶴年

遺產保存之惡稟.....王惠舟

索債不償之惡稟.....顧佳貽

姦殺卸罪之惡稟.....陳惠慈

爭奩不遂之惡稟.....吳墨謙

調戲致死之惡稟.....錢延伯

訟師惡稟菁華 目次

殺僧自首之惡稟..... 諸福寶

請兵防匪之惡稟..... 王方成

賴婚離異之惡稟..... 諸福寶

和姦卸罪之惡稟..... 謝方樽

姦拐脫罪之惡稟..... 王惠舟

謀殺夫弟之惡稟..... 諸福寶

殺人圖賴之惡稟..... 謝方樽

囚犯剃髮之惡稟..... 馮執中

誑諸戲令之惡稟..... 諸福寶

直言辯誣之惡稟..... 楊瑟嚴

爭妻劫女之惡稟..... 謝方樽

路見不平之惡稟..... 諸福寶

逼姦殺妻之惡稟..... 諸福寶

掘毀祖墳之惡稟	諸福寶
挾嫌誣盜之惡稟	諸福寶
栽贓圖害之惡稟	楊瑟嚴
圖賴婚姻之惡稟	楊瑟嚴
爭產誣陷之惡稟	楊瑟嚴
爭葬祖墳之惡稟	謝方樽
田戶賴租之惡稟	謝方樽
吞家控叔之惡稟	謝方樽
窩賭強奸之惡稟	謝方樽
帷簿不修之惡稟	謝方樽
告夫寵妾之惡稟	謝方樽
妾訴妻誣之惡稟	謝方樽
強姦幼女之惡稟	謝方樽

並末強姦之惡稟.....謝方樽

名士戲控之妙稟.....趙甌北

滑稽討鼠之妙檄.....馮步雲

控告偷花之妙稟.....繆蓮仙

自首偷花之妙供.....繆蓮仙

附錄解鈴人語.....諸福寶

附錄刀筆叢話.....襟霞閣

新編評註訟師惡稟菁華

虞山襟霞閣主  
衡陽秋痕樓主評

香鈎沾泥之惡稟

謝方樽

孀婦陸婉珍。與比鄰湯翁爭片壤。翁饒資財。上下賄賂。婉珍不得直。冤憤填膺。無處昭雪。夜縊於湯墓。湯翁輦金求方樽作狀詞。方樽潛命易屍之繡鞋。遂爲作狀云。

訴爲冤。遭仇陷。移屍圖害。事竊民之祖墓。坐落某都某圖四面苗田。登臨非易。倘逢天雨。更覺濘泥。忽于某月某日清晨。經人報告。有一屍首懸掛林間。識爲比隣陸氏孀妹。民即親往察視。固確。當即告知地保。究檢再三。始識移害。查屍屬多虎而冠者。藉口爲民逼勒致死。夫逼人勒命。案豈等於尋常。誣告挾嫌。律乃嚴乎。反坐而況弱質。孀妹黑夜焉知湯墓。連宵春雨。香鈎初未沾泥。推測情形。移屍可斷。豈容藉口黑白。滑人謹請昭雪。含冤上稟。

〔評〕而況一轉。生出無限妙文。眞黃絹幼婦之作也。



古井生波之惡稟

馮執中

楊翁有女蕙芬。年十七。艷絕。嫁同邑張紳之子。週歲即寡。女正在妙齡。豈能免古井重波之想。未幾。卽與中表某生有染。張紳微有所聞。以家聲攸關。禁絕其外出之芳踪。女大不甘。托訟師馮執中作一稟。請求全節。其稟詞着墨不多。而字字如鐵案。非老手不辦。稟詞云。

爲請求保全節操事。竊孀妹楊蕙芬。生不逢辰。伶仃孤苦。十七嫁。十八孀。益以翁鰥。叔壯順之。則亂倫。逆之。則不孝。順逆兩難。請求歸家全節。

〔評〕筆力千鈞。非惡訟師想不到此。誠含血噴人。惡毒之尤者也。

冒認腐屍之惡稟

馮執中

小浜中發現一浮屍。面目腐潰。約略是男。宰循例驗之。略有傷痕。似非自盡者。以無人顧問。將草草寢事。不意事爲訟師馮執中所聞。執中與宰宿有仇隙。遂嗾令某孀婦。指認該屍。確爲藁砧。初婦之夫死於戍。有年矣。特骸骨未歸。冒認之。當無人知者。婦如其言。號泣於屍場。搶屍不准殮。請宰緝兇正法。否則當以

死殉。宰恐。族人。有告。以夫死垂十年矣。宰因責婦之妄。斥退之。婦歸。復遇執中。命抱狀再訴。當無不准之理。狀詞云。

爲伸冤。愈冤。雪恥。愈恥。事氏夫十載。未歸。忽遭加害。緝凶坐罪。爲國法之當行。泣血椎心。乃人情之固有。詎意不蒙青天之諒。謂氏冒認夫屍。揮之使去。益令氏冤無可伸。恥無可雪。所肝摧腸。斷淚枯而繼之。以血者。也是可忍。孰不可忍。竊氏試問青天。若謂此屍而非吾夫也。吾夫何在。吾夫而非此屍也。此屍何人。氏上無翁姑。終鮮兄弟。所依何人。所恃何物。煢煢一身。萬無生理。特再泣血瀝詞。請求追兇。并望撫恤。存沒均感。實爲德便。謹稟。

〔評〕全稟有此兩句。銳利如刀之筆法。那得不准。此種筆法。開發人之心。思不少。閱者幸勿輕忽視之。

### 腸血誣姦之惡稟

謝方樽

方樽清晨如廁。有友人張甲同在廁所。訴其仇李乙無理。欲藉詞以控告之。而苦無真憑實據。方樽笑謂之曰。欲加之罪。何患無辭。證據遂處有。惟在人之善。

用耳。張甲大悅。因重托之而去。方樽視甲有腸血之疾。卽以腸血着想。爲作一稟曰。

訴爲強姦。朋友顛倒。乾坤事。夫天地定位。不容錯。陰陽男女攸分。何得倒顛。鸞鳳竊民與李乙。本爲同學。更屬比隣。既契合乎友朋。又情深乎知己。豈意其情懷。叵測久矣。夫包藏淫心。昨日設宴家中。招民共飲。方忻良朋暢敘。深信不疑。豈料進藥昏迷。後庭被污。及至藥解。夢迴穀道之中。痛如針刺。念此羊腸鳥道。豈容獸突。蛇行可憐。雨驟風狂。已是花殘月缺。血水交流。疼痛欲絕。呼號床第。如坐針氈。竊思痛已受。夫剝膚辱更。虧於親體。如此獸行。加害實屬。人倫之變。且民年十四。尙未成人。律有強姦幼童之例。應與強姦室女同科。伏望嚴懲淫棍。以端風化。而正人倫。含冤上告。

〔譯〕亦滑稽。亦惡毒。不媿刀筆之雄。

龍陽誣控之惡辯

謝方樽

前稟旣上。李乙聞之大恐。以謝方樽不好弄。思解鈴人在繫鈴人。遂亦往方樽

處求作辯認狀。方樽不辭。立即揮毫。爲作一辯訴狀。其設想更奇於前。狀詞云。爲冤遭捏砌事。竊念乾坤。列序牝牡。攸分。豈有撲搦。迷離雌雄。莫辨。而乃橫加壓。力。任意摧殘者。惟長官明鏡。高懸彼鬼蜮。安能肆蠱。比隣張甲。與民宿有仇冤。性同蛇蝎。暗肆毒謀。本一無賴之尤。甘心下賤。囊有青蚨。三百便可聯斷袖之歡。結來知交。千人悉是餘桃之寵。陰陽倒置。廉耻蕩然。後庭花採。獺憑人。龍陽君居然自命。人既無耻。乃又妄扳捏穢。詎以聳聽。無異蜃樓海市。含毒血而噴人。實屬寡廉鮮耻。伏望嚴懲淫棍。以肅刁風。謹稟。

〔評〕竟誣張甲爲龍陽君。其意更進一層。其文亦尖刻無比。諺云翻手爲雲覆手雨。其斯之謂歟。

### 逆子控父之惡稟

金鶴年

汚者喬靜夫。江甯如臯人。本陸氏贅婿。家資頗鉅。而靜夫日作狹邪游。會與訟師金鶴年。小有仇怨。金俟隙有年。無辭以中傷之。見靜夫子。年十五六歲。嬉不知愁。遂僞與結好。唆其訟父爲作一狀。命抱之上訴云。

爲蕩產傾家。殃及無辜。懇求究辦。事竊不父。靜夫贅入。崇門脫襪。襪而被絺。繡却  
藜藿而啖珍羞。蒼壁黃琮。奇珍羅列。雕牆峻宇。居處輝煌。人生到此。忻幸奚如。豈  
容作敗家之子。辱及先人。理應爲守財之奴。惠吾浚嗣。而乃青樓夢裏。旦旦溫柔  
紅粉隊中。時時落魄。因以歲耗鉅萬。家遂中衰。其始焉質物典皿。家徒四壁。其繼  
焉鬻田市毛。貧無立錫。惟彼作雙飛之好鳥。令吾爲啼飢之哀鴻。叫喚娘娘。太太  
討得幾錢。感盡雨雨風風。苦了半世。此情此境。將何以堪。推原其故。實非不父行  
爲。無狀階之厲乎。竊念祖宗產業。子孫有應享之權。今不父以累萬家私。徒供一  
己之揮霍。而絕不爲子孫稍留餘地。種種行爲。殊堪髮指。爲特語叙情由。繕呈察  
核。伏乞恩准。飭提不父喬靜夫到案。治以敗家之罪。以警奢淫。而杜効尤。不勝迫  
切待命之至。上告。

〔評〕天下無不是底父母。閱此一狀。理由充足。實足以開子控父母之端。存之  
以備一粲。

遺產保存之惡稟

王惠舟

蘭陵江子謙。早孤失怙。家產悉爲其叔管理。叔飽煖思淫。揮霍無度。時子謙沖齡無知。其族長者出而作宰。求訟師王惠舟作一狀控之云。爲請命存孤保產事。竊維產以贍孤。孤賴產活。產盡孤存。孤難永命。民幼失怙。恃爲叔撫養。不意叔懷他志。惟產自吞。深恐他日產盡。何以贍養孤命。何以婚紹宗支。事出實情。圖謀於未雨。恩同再造。感激乎無涯。伏乞憲台卽爲批示。保產安孤。實永賴之上告。

〔評〕着墨不多。而意思明白如畫。自是作狀能手。

### 索債不還之惡稟

顧佳貽

顧訟師者。虞山人。與謝方樽同時。其人滑稽之雄。每爲人作訴狀。妙想入微。措詞奇特。一言一行。往往令人捧腹不止。顧一日遇其友徐某于途。詢徐行止。徐言討債還來。因告其欠戶張臘場避債不還之事。顧曰。曷不控之於官。因代爲作一滑稽狀詞云。

爲負債賴債。索債避債。事刁徒張臘場。於某月某日借銀十兩。約定某日如數清。

償。乃。屢。次。延。期。屏。不。見。面。竊。思。昔。日。借。銀。釋。迦。口。吻。今。朝。索。債。悟。空。脚。跟。無。賴。之。尤。殊。堪。痛。恨。伏。乞。憲。台。刻。限。追。償。不。勝。啣。結。上。告。

〔評〕中釋迦悟空一聯。活畫出借債索債情狀。眞僧由點睛筆法也。

### 姦殺卸罪之惡稟

陳惠慈

某婦戀姦情熱。遂與所歡共同謀死其夫。割去面肉。棄之田間。事發。人疑某婦。爲鄰人所告訴。令將坐以謀殺親夫之罪。以屍首面目模糊。難以辨認。故未定讞。婦之家屬。遂以千金賂陳訟師。請作一狀。狀上。卒有效得免罪。

爲。剖。白。奇。冤。請。求。昭。雪。事。妾。十。八。嫁。夫。十。年。伉。儷。魚。水。同。歡。夫。月。杪。出。門。歸。期。未。卜。正。寤。寐。懷。思。之。際。忽。加。妾。以。不。白。之。冤。指。認。浮。屍。誣。妾。藁。砧。長。官。不。察。將。錯。就。錯。擬。坐。妾。以。殺。夫。之。罪。妾。之。含。冤。入。地。固。亦。無。可。如。何。倘。吾。夫。一。旦。歸。來。試。問。誰。尸。其。咎。伏。乞。矜。全。以。待。夫。歸。冤。洗。西。江。恩。同。再。造。上。告。

〔評〕筆鋒之銳利有如此。然亦開令以避重就輕之路也。人死不能復生。令豈不知。婦因此得生矣。

爭奩不遂之惡辯

吳墨謙

有徐生者。贅於陳翁爲婿。外姑劇愛憐之。割腴田千畝爲贈。但言明須生子後過戶。嗣婿與女均下世。陳翁靳而不予。徐生之父方顯貴。持勢與陳翁爭。親往索奩。累訟皆袒徐生之父。陳翁不得直。求吳訟師作一狀。賂吳三千金。吳爲作狀云。

訴爲婿死女逝。無由贈奩事。竊思婚姻夙好。冰玉相投。惟婿故家析女。已天殂。所有奩不能給。亦不願給。夫曰奩則非翁之所得。問夫曰賄則非訟之所能爭。親家翁方貴顯。斷不涎此。是必主計僕之狡猾而已。想明鏡高懸。決不爲所眩惑。伏請矜全判斷。施行上告。

〔評〕卽以「贈奩」兩字就題發揮。筆力千鈞。透過紙背。墨謙誠未易才也。

調戲致死之惡稟

錢廷伯

邑紳王士秀之女舜英。及笄有豔名。少年胡維仲涎之已久。數次委禽。不許。心銜恨之。一日見舜英倚樓窗作遠眺。維仲惡念頓起。卽對窗解袴。作種種穢褻。



狀。舜英遊目見之。羞憤不能自容。卽喚小婢入房語以故。旋卽雉經死。其父士秀。屢控胡維仲調戲致死。皆不准。客以嘉興錢興伯荐。士秀許以二千金作一狀。狀成。視其中祇有兩要句。維仲卒以大辟論罪。廷伯刀筆之名大譟。原稟云。爲穢褻調戲。羞憤自殺。請求雪耻正法事。民女舜英。生年十七。未出璇閨。忽於某月某日。無故雉經自盡。事後詢之婢子翠芳。始知爲胡維仲穢褻調戲。羞憤自盡。竊維仲調戲。雖無語言勾引。甚於手足。種種穢褻情形。有難以形諸楮墨者。婢子翠芳亦所目覩言之足。羞思之可恨。小女含冤入地。則亦已矣。惟淫棍如此。狻獷實干法紀。伏乞憲台嚴辦。以慰幽魂。而肅風紀。不序。脚結上告。

〔評〕按此案舜英之死。自殺也。非謀害也。又無證據。又屬穢褻。且法無明文。考清朝律例云。凡語言調戲。手足勾引。因而致死者。論斬。今維仲之行爲。謂爲調戲。則無語言。爲謂勾引。則非手足。如此則斷難坐以殺人大罪也。乃錢延伯在語言調戲。手足勾引之中。輕輕加入「雖無」甚於二字。則活畫出當時解袴調戲之狀態。以婢子證之。而維仲無生理矣。着墨不多。歷歷如繪。廷伯不獨刀

筆之雄。亦寫生妙手也。噫。一字之誅。嚴於斧鉞。信然。

### 殺僧自首之惡稟

諸福寶

鄉有淫僧慧空。通隔岸孀婦陳氏。往來已將半載。陳生有兩子。純孝莫敢言。僧每赴陽台。必在夜半。以一水阻襄皇。諸多不便。因言於婦。托婦命兩子造一竹橋。婦如其言。告兩子。兄弟唯唯受命。即日鳩工起建。十日橋成。以方便行人爲辭。鄉人有知其母之隱事者。皆揶揄二子。二子羞憤無以自容。相約求計於諸福寶。福寶唆使二子殺却和尚。爲作一狀。命抱狀自首。其狀詞云。

爲蒙耻雪。耻忍仇復。仇事竊民。父早喪。淫僧慧空。時來民舍。民以母故。敢怒而未發。乃自民造橋落成。僧無益忌。猖獗從此。藍橋無阻。不特明去宵來。民啣之刺骨。憤之入髓。故於昨夜。人定後。殲此秃。顧誅吾者。法雖粉身碎骨。亦奚辭罪。吾者。母願結草啣環。以報德。竊民之造竹橋。所以從母命。殺和尚。所以報父仇。身處兩難。誓不兩立。伏望憲台公判。執行民死九泉。無怨懣情。上告。

〔評〕從母命報父仇一聯。說得堂堂皇皇。覺此僧確有可殺之罪。兩子確有應

殺之權。訟師筆下。真頭頭是道也。

請兵防匪之惡稟

王方誠

某歲邑中水患。田禾無望。民不聊生。遂聚衆搶掠。縣令莫之禁。屢次詳憲請兵。皆不准。飢民見大兵不至。更狃猖無忌。令怒焉憂之。幕中有以惡訟師王方誠荐。令然其言。命招方誠至。時方誠年已六十。鬚髮皆白。正在曝陽捫虱。及至。邑署代令作一詳文。隨筆揮灑。悉成好語。文成。示令曰。平淡文章。不足云妙。惟其中有四要語。上峯見之。重兵非晨即晚必至矣。令閱狀大悅。詳上。重兵即下。其詳文云。

爲詳請派兵彈壓事。竊餓民嘯聚之地。密邇教堂。萬一有變。誰尸其咎。事出非常。急於星火。蘇常相距非遙。朝發夕至。不勝屏營待命上詳。

〔評〕甚矣滿清官吏之顛預也。四民不安其業而不思救。一聞教堂將受警。重兵即下。是則數十萬士民之生命。不及巍然一教堂矣。方誠老奸巨猾。能洞燭當時官吏之心理。其目光高人一等。

# 賴婚離異之惡稟

諸福寶

汪生少配邵姓鄰女。後生貧屢。致家無擔石。室如懸磬。女之父有悔婚意。汪生倔强不肯。父鬱鬱而死。女則因父仇。夫嫁後卽不睦。他日則更有外遇。矢志與夫離異。遂請諸福寶作一狀詞。寥寥三十四字。卒達目的。其狀詞傳誦一時。爲替死事。氏笄被夫掠。婚父啣夫死。若報親仇。則殺夫。若從夫存。則不孝。禍起妾身。請死。

〔評〕辭簡而意盡。覺三十四字。字字有力。字字尖刻。真含血噴人之作也。

## 和姦卸罪之惡辯

謝方樽

邑中王子猷。翩翩羊車中人也。與鄰女汪碧雲有染。碧雲已許人。嫁有日矣。子猷情不能甘。謀久長之計。而計無所出。因求教於訟師謝方樽。方樽乃力爲劃策。授以錦囊妙計。子猷如法行之。夜踰垣入女之寢室。故驚其父。遂被女父所執。以爲梁上君子也。黎明卽送至邑署。子猷之親友至。好聞訊。咸以爲異。均到庭觀審。子猷忽不供盜。而供姦。謂與女通半載。常明去暗來。今不慎。被女父所

執云云。供畢。並上一辯訴狀。爲方樽手筆云。

稟爲陳明受誣。懇請昭雪。並賜成全。事竊生員王子猷。幼薦泮芹。素範禮法。螢燈一點。伴半夜之書聲。鄴架十年。奉先人之垂訓。祇以東鄰有美。遂生好色之心。西苑無聲。竟效踰垣之行。自知實乖禮法。有背士儀。然相如學士。亦效私挑。宋玉大夫。曾聞窺隙。詩詠吉士之求。古有私通之事。偷香惜玉。贈芍採蘭。實生員一時不檢。失足至此。乃女父不察。陷秀才於宵小。誣才子爲穿窬。惡語橫加。冤蒙不白。竊生雖不德。誤罹情網。汚人閨女。自知陰隲有虧。然而淫人妻女。妻女淫人妻女。淫人其咎。誰歸琴堂。明察伏乞。矜全開一線之恩。結百年之好。實深感禱。謹稟。

〔評〕然而一轉。如汪洋飄渺中。特立一峯。刀筆之銳利。咄咄可畏。

### 姦拐脫罪之惡稟

王惠舟

曹小二傭工於張大戶家。涎婢女阿翠。私與俱逃。居半年始歸。爲張大戶偵知。使人拘阿翠去。并欲控曹小二姦拐之罪。小二大恐。求訟師王惠舟作一狀。先控張大戶。搶得原告地位。以占優勝。其控詞云。

告爲生離虐待。懇賜成全事。民家破無依。備於張大戶佃田。當時議定。不取備值。操作三年。妻以侍婢。詎期滿領婢他去。張大戶事後懊惱。反悔前議。乘隙誘婢到家。幽閉虐待。朝晷夕楚。有爲辱之所。弗堪有爲身之所。難受竊思。昔年粒粒辛苦。今日活活分離。既不得同夢。更不得備值。嗷嗷子身。將爲餓殍。泣求憲台公斷。團圓哀哀上告。

〔評〕情理之言。足以動人。

### 謀殺夫弟之惡辯

諸福寶

鄉有叔接嫂之惡習。相沿已久。（叔接嫂者。兄死。弟與嫂私婚也。）不可謂訓。有戚姓兄弟。兄甲早鰥。娶平康中人何氏爲妾。生一子。不安於室。甲死。益無忌。弟乙鄉愿也。目覩嫂之不貞。心痛恨之。敢怒而不敢言。何氏復欲求耦。叔遠避嫂。宿隣次牛棚中。嫂猶涎之。夜半潛就叔。苦於叔之陽具不舉。忿火中燒。出小剪刀。將叔之具剪去。噀曰。虛有其表。將焉用此。叔大夢中。嗥然一聲而卒。明日弔者至。見狀。知爲嫂害。急白保甲。呈縣求驗。令以證據確切。遂擬坐嫂以

殺叔之罪。嫂以私蓄千金。賂諸福寶。求作一狀。諸允之。爲作辯訴狀云。

訴爲不白奇冤事。竊孀婦何氏。嫁夫十載。不幸夫亡。氏志操柏舟。情甘守寡。且上有白頭之父。下有黃口之兒。仰事俯畜。之不惶。乃叔也不諒。惹艸粘花。氏鑒於事。變蒼黃之起。膽敢閉關。斬將之謀。當在千鈞一髮之間。不翦不節。不節不翦。橫暴之來。無策自全。神亂情荒。下此辣手。念及堂上明鏡。高縣鑒及愚悃。屈諒行權。假氏數年。撫繼養老。生死咸感。泣血瀝陳。哀哀上訴。

〔評〕不節不翦。不翦不節。只此八字。便覺其叔之淫具。實有可翦之罪。而其嫂之翦。又覺得不可不翦。此雖憑空捏造。含血噴人。好在略無痕迹。死不對證。便覺字字有力。筆筆見血。可畏可畏。

殺人賴圖之惡辯

謝方樽

鄉里有王甲者。無賴之尤。某日黃昏時分。與隣人趙乙口角起釁。以致歐打。中趙乙要害而死。王甲以未被第三者所見。當卽脫逃。求計於謝方樽。方樽命王甲連夜遠奔。出境行三十里。鷄聲已唱。王甲潛入李姓家。作盜物狀。故爲所執。

送至邑署。後殺人罪發。有疑王甲者。方樽復爲王甲作一辯訴狀。代爲辯白。云爲辯誣雪冤事。趙乙人命一案。人言嘖嘖。疑及小民。有謂小民加害趙乙致死者。將砌詞以誣告。捏情以聳聽。竊思殺人戕命。案豈等於尋常。扳誣造謠。律乃嚴夫。反坐小民。雖有肱篋之手。腕尙無殺人之心。肝且甲地。與乙所水隔。三重路遙。卅里。若謂小民當日殺人於甲地。豈能偷盜於乙所。且殺人稱在夜半。掘壁尙在黃昏。以情度理事跡。昭然小民冤死不足惜。竊恐眞凶逍遙法外。死者賚恨九京。其能瞑目乎。伏乞憲台明鏡鑑察。另緝眞兇。爲小民雪此無妄之災。則生當啣環。死應結草報答。無盡也。上告。

〔評〕賴得干干淨淨。說得堂堂皇皇。眞異想天開之妙文也。

### 囚犯薙髮之惡稟

馮執中

訟師馮執中。以事陷獄中。猶代人作稟。混淆黑白。邑令嫉之。將誣以他罪。致之死地。旋爲馮聞。設策自衛。思中傷令。遂命同獄之囚薙髮。一時不獲薙刀。馮異想天開。碎一碗磨竟日。鋒利如刀。乃奏之。鬚髮者立成牛山之濯濯矣。馮喜甚。



即草一呈。托親信者持控於府云。

控爲違背國法。玩視紀律事。竊某某邑令某某。本一紈袴小兒。以納粟起職。居心卑穢。賄賂通行。以訟獄爲漁利之門。以金錢爲生死之斷。政績惡劣。名譽卑污。具在人口。乃復藐視國法。重違律例。於某月某日。處得賄之囚徒。准其削髮。此真可謂駭人聽聞之事。民等伏思縣令掌百里之政。竟爾自犯紀律。等國法於弁髦。視朝廷若兒戲。身不正何以治民。爲此據實上控。請即派員查驗切實查究。以整吏風。而伸國紀。特此上控。

〔評〕條理明晰。含血噴人之妙作也。

詼諧戲令之惡稟

諸福寶

某歲吳縣新令尹汪公蒞任。諸福寶以其未來謁。已有失面子。心啣之甚切。一日因事蒞庭。聞縣令患欠舌。口齒不清。乃思播弄以辱之。會有石姓刻圖章人。與顧客涉訟。諸爲之代作一滑稽稟單。詼諧入骨。控爲突兀事。有石雪澤者。勒刻劣木。約日不出。擲石擊額。額裂。血出。懇即核奪。

〔評〕此稟妙在諧聲者多。使欠舌之邑令讀之。但見勒……勒……刻……刻。不能清楚。藉以苦之。

### 直言辯誣之惡辯

楊瑟嚴

有人控告楊瑟嚴爲惡訟師者。邑令即拘之入獄。不問情由。請其嘗鐵窗風味。楊不能忍。卽草一稟上呈云。

爲辯誣洗恥事。竊聖上功。令禁訟棍。不禁訟師。夫以曲爲直者。爲訟棍。以直爲直者。爲訟師。訟棍足以淆惑是非。混亂黑白。禁之固當。訟師爲人鳴不平。爲人反冤獄。獎之不遑。乃堂上弗察。聽曾子殺人之言。坐公冶縲紲之罪。屈抑良黎。損人名譽。有使人難堪者。竊爲堂上不取也。謹請斟酌行事。爲民拔冤洗恥。實爲德便。〔評〕從大處落墨。不哀哀作乞憐態。此老殊倔強。筆亦大如椽。

### 爭妻劫女之惡稟

謝方樽

鄉有土豪張子成。豔附近梅氏之女。有日矣。忽聞女已字富豪鄒祖根爲妾。心頗不平。率衆持械劫女歸。事聞於富豪鄒中途又劫之去。張子成心不能甘。請

謝方樽作一狀詞云

爲勢奪婚姻事。一夫一婦。乃人道之常。一馬一鞍。係當然之事。今有惡霸鄒祖根。倚富逞焰。時常凌辱平民。惡欲滔天。冤啣無地。恃有倚頓銅山之富。可資林甫鬼。蟻之奸。早已流毒一方。彌不痛心疾首。身憑媒妁。聘定同邑梅鳳林之長女某某。爲妻。早已納幣。尙未過門。親戚咸知。四鄰共曉。前四月廿八日。爲迎娶吉期。途路所經。適過祖根門首。奸心忽動。遽起不法行爲。爆竹一聲。爪牙雲集。金鼓聲煊。截住香車。不放霜戈雪耀。儼同大敵。臨前一池。亂棒驚散。鴛鴦捲地。狂風吹殘。連理所有。迎親人衆。悉行鼠竄。奔逃坤宅。妝奩什物。盡如刼奪。入門非復。搶親情狀。直同強盜行爲。如此光天化日之下。豈可無法無天。不僅有干法紀。實屬風化攸關。民等身受荼毒。失魄亡魂。雀見鷲。糠一場空。喜親隣。訕笑恥辱。難堪如此。平地風波。豈復意中所及。伏望憲台。依律提訊。盡法嚴懲。掃盡礙途荆棘。驅除當道豺狼。大可以維風紀。小足以釋私憾。然而怒髮衝冠。相如縱完。秦庭之壁。堪痛以牛易。牛孟敏。無奈已碎之甌。心肺俱摧。肝腸欲斷。泣血陳詞。惟希矜察。和淚濡毫。裂腸

伸紙奇冤待白不知所云上告。

### 匿女反訴之惡稟

謝方樽

有趙生者配同里金姓女琴瑟不調趙年少風流徵歌選色金氏無近言之機潛歸家中金父初容納之後聞婿欲控告乃恐懼求教於方樽方樽命其匿女他所然後代作一狀先行控婿使是反居於被告地位其稟詞云。

爲謀命匿屍請求伸雪事竊民生有二女次女許配同邑趙全之子趙金大爲妻現年十八歲早經童養過門惟金大生性風流夙有外好不待柳稍月上早已人約黃昏視此結髮嬌妻無異眼中釘刺過門以後飽受欺凌嫌貌醜如山鬼叱辱常聞憎質笨若牝牛鞭箠屢及日猶未午已嫌午飯失時起尙平明已曠晨興過晚如斯種種不可枚舉面上之爪痕縷縷時成新月之形臂間之青塊稜稜恆如邱陵之狀老去鬢毛大半反謂小鬼蓬頭每遭毒打惟有號呼鄰人爲之酸心過客因之下淚凡此虐待情形悉在衆人耳目誰無兒女寧不傷心惟念少年心性未免血氣剛強待其年事稍長自然和諧琴瑟是以每欲與之理論輒復隱匿不

言。豈。意。豺。狼。成。性。凶。暴。無。倫。乘。民。人。夫。妻。外。出。浙。水。進。香。遽。爾。謀。斃。民。女。更。復。藏。匿。死。屍。傷。哉。傷。哉。山。林。密。處。供。狐。狸。早。晚。之。餐。春。水。生。時。爲。潮。汐。捲。抽。以。去。雖。爲。憶。度。事。未。可。知。民。夫。妻。屢。次。向。彼。索。女。惟。有。支。離。閃。爍。之。詞。女。非。鬼。域。豈。能。隱。形。於。白。日。青。天。人。異。蚊。蠅。安。得。失。蹤。於。夫。家。母。族。按。之。今。日。之。情。形。證。以。昔。年。之。待。遇。匿。屍。縱。無。確。據。謀。命。却。已。無。疑。籲。懇。長。官。爲。女。伸。雪。訊。謀。害。之。由。來。追。屍。身。之。去。路。死。者。沈。寃。得。白。自。當。結。草。啣。環。生。者。感。德。無。窮。願。具。香。花。頂。祝。上。告。

〔評〕全文入情入理。確有動人之處。

### 路見不平之惡稟

諸福寶

福寶游天竺山。遇土豪名飛山虎。足跌民婦死之。豪以紋銀十兩作償命資。民懼其勢炎。不敢較。福寶路見不平。代草一狀控豪。狀云。

爲。土。豪。橫。行。慘。殺。髮。妻。事。竊。李。某。某。綽。號。飛。山。虎。素。性。蠻。悍。無。惡。不。爲。今。茲。怒。馬。橫。行。踐。民。人。之。畝。民。婦。出。而。干。預。豪。卽。飛。足。踢。中。要。害。當。卽。身。死。豪。全。不。介。意。擲。下。紋。銀。十。兩。揚。長。自。去。夫。身。有。絞。銀。十。兩。已。可。踢。死。一。人。若。家。有。黃。金。萬。鎰。便。將。

盡屠杭城草菅人命於此可見不想光天化日之下而乃有此惡魔伏祈緝凶法辦以慰冤魂上伸國法下順民情存沒共戴瀝血陳詞哀哀上告

〔評〕說得振振有詞雖菩薩心腸讀之亦將毗裂

### 逼奸殺妻之惡稟

諸福寶

鄉無賴某某負鄰人百十金貧無以償而隣人某乙孳孳爲利者坐索不去無賴潛出反扣其扉出覓福寶謀作一逼奸殺妻之狀訴某乙某乙不得直卒至犧牲其欠款且益以訟費若干其訟詞云

爲暮夜登門逼奸殺妻事夫逼奸妻女律有明條因而啣冤自盡法無輕宥民貼鄰某甲者虎而生翼惡欲滔天持勢橫行漁色無厭窺妻少艾屢次調奸民妻夙性貞潔屢作投梭之拒某甲見事不成即於昨夕冒民逼奸妻畏罪出亡在外死活未知某甲似此持勢淫凶實屬目無法紀伏望依法懲辦照律科刑着某甲交出民妻得重圓之日則感德靡涯啣冤上告

〔評〕空中樓閣之事乃與含血噴人之文兩相輝映

### 掘毀祖墓之惡稟

諸福寶

鄉之土豪李甲。新築佳城。適當官路之旁。其地有王鄉董者。素與李甲有仇隙。借修緝圩岸爲名。毀其祖墓。土豪謀於諸福寶。爲作此狀。

爲掘毀祖墳。拋棄骸骨事。暴露先人屍骨。大傷孝子之心。如此不法行爲。應受王章顯戮。竊民有先人墳墓。巧當官路之旁。爲時已歷二百餘年。墓中實葬五代祖宗。風水佳勝。松柏成林。鬱鬱葱葱。萃山川之靈氣。春秋祭祀。展霜露之孝思。傷哉勢豪。挾仇借端。發掘祖墓。掩骼埋骨。爲仁政之當行。毀墓掘墳。爲生人之萬惡。仰求飭差提究。即行按律嚴懲。以平人子之心。以洩鬼神之怒。泣血瀝陳。撫膺號痛。勢豪尤躡強。倚勢橫行。無惡不作。氣燄加乎鄰里。虎狼無此凶殘。惑於風水家言。欲奪民家祖墓。屢次央人商酌。且復啖以重金。欲得墓前餘地。以葬自己雙親。民即嚴詞拒斥。彼乃銜恨難平。適逢修理官塘。自彼被委。經董大樞在手。遂逞專橫。平空捏造浮言。謂爲侵佔官道。不取民人同意。動工發掘祖墳。毀邱陵爲平地。拋骸骨於道傍。誰非子孫。誰無祖宗。傷心慘目。失魄亡魂。是可忍。孰不可忍。已摧折

夫肝腸予欲無言安得無言實痛心於人鬼伏望疾速飭差拘提豪惡治以應得之罪勿使久逞凶橫生者既伸不白之冤死者當效啣環之報撫膺泣血不知所云上告

### 挾嫌誣盜之惡稟

諸福寶

鄉有王芝祥者拳教師也好勇鬪很所與往來者皆江湖失業之人形跡近乎匪盜里正爲保安閭里計求福寶作一狀福寶與王本有仇怨遂誣之爲盜其稟詞云

爲。翦。賊。安。民。事。政。莫。先。於。除。暴。安。良。道。不。外。乎。明。刑。弼。教。乃。者。鄉。里。盜。風。甚。熾。良。以。游。手。好。閑。之。徒。出。沒。無。常。失。業。無。依。之。輩。結。隊。成。羣。因。之。萬。姓。聞。風。戰。慄。千。門。未。暮。扃。扉。鶴。唳。風。聲。可。驚。可。駭。乃。聞。強。梁。順。從。主。腦。劫。掠。端。賴。牽。頭。日。來。鄉。里。竊。案。層。出。而。皆。神。出。鬼。沒。不。可。思。議。往。往。門。戶。未。開。而。金。錢。羽。化。如。此。空。空。妙。手。戀。戀。於。此。決。非。佳。兆。若。不。正。本。清。源。爲。害。伊。於。胡。底。闔。城。千。萬。村。民。將。防。不。勝。防。民。等。詳。加。糾。偵。始。悉。害。羣。之。馬。卽。隣。里。居。民。王。芝。祥。者。綽。號。雙。飛。燕。曾。爲。拳。教。師。好。



勇。鬪。很。而。狐。羣。狗。黨。悉。皆。下。流。爲。害。鄉。里。可。想。而。知。伏。望。按。律。痛。懲。以。安。閭。閻。切。勿。打。草。以。驚。蛇。免。致。畫。虎。而。成。狗。公。呈。台。鑑。

〔評〕誣扳得冠冕堂皇。

### 裁賊緝賊之惡稟

楊惡嚴

鄉人某甲欲誣其仇某乙無計可施謀於楊訟師楊命甲先報失竊開一失單。金珠首飾不下千金既呈報官廳然后托人以菊花一盆售於某乙作狀控之云。

爲。憑。贓。緝。盜。事。奇。花。異。卉。事。雖。出。於。細。微。引。繩。批。根。案。可。尋。夫。線。索。竊。民。家。於。初。一。日。失。竊。金。銀。首。飾。等。約。值。千。金。曾。經。開。單。呈。報。事。將。一。月。消。息。杳。如。忽。於。前。日。之。晚。行。經。某。乙。門。首。猝。見。菊。花。一。盆。乃。屬。民。家。故。物。與。金。珠。首。飾。同。遭。盜。劫。此。菊。雖。所。值。微。幾。而。此。盆。則。柴。窰。古。器。資。質。細。緻。式。樣。玲。瓏。豈。是。尋。常。所。有。當。即。晤。其。主人某乙詢問何來乙言語支吾形色忽遽初謂購自申江繼謂餽自戚友語無倫序彌切狐疑經民再三盤詰彼乃俯首無詞竊思菊花既在陳家他物亦有着

落某乙。縱非自己行竊而窩贓之罪。百口難辭。伏望立提嚴究。追出原贓。治以窩藏之律。以絕盜賊之路。則民人物歸原主。閭閻高枕。無憂迫切。上告。

### 圖賴婚姻之惡稟

楊瑟嚴

鄉有初富後貧者。坤宅欲圖賴婚姻。婿求楊訟師作此狀。

爲勒寫筆據。圖賴婚姻事。夫婦人倫之始。豈以貧富易心。離婚律有明文。當取雙方同意。豈有出以強迫加之欺詐行爲。如此不法情形。何甘默然承認。竊民父母在日。爲民聘取妻房。雖未詠夫好逑。實已聯盟於秦晉。冰人具在。庚帖可憑。倘若一與之醮。自當終身不改。乃迭遭二親之喪。家業日以敗落。時乖運蹇。命薄年凶。家既徒乎四壁。人惟存夫一身。自顧淒涼。恆憐形影。幸父執王公。哀我子身孤露。慨然假以百金。俾得小權子母。賴其恩德。得免飢寒。王家尙卿。更復重恩。謂稚子壯年無室。內助不免乏人。願以姪女爲民匹配。民人感戴莫名。覩顏告以曾聘。尙卿大喜。自願主婚。爲代籌聘金。兼假以館舍。似此生死肉骨之誼。實係來今往古所無。感激涕零。罔知所報。佈置既妥。擇吉完姻。爰請冰人往告坤宅。不意岳父齊

德鳴乃爲獸心而人面。聞冰人之語不肯應。久謂耳聞此子已入下流。我女深閨麗質。豈甘下嫁匪人。媒氏再三分說。請勿悞聽浮言。願爲保證。德被告於公理。不能快吐直陳。俯首尋思。頓生奸計。聲言欲娶我女。當使此子來家觀其情形。以定去定。民旣得媒氏回言。即日造門請謁。被告接見。窘辱萬端。謂民不書離婚筆據。休想生出此門。蠻橫無理。一至於斯。民畏其毒。不敢與較。祇得忍氣吞聲。繕寫退婚之約。傷心無極。惘惘出門。自恨運命屯遼。思欲投河自盡。繼而念及祖宗祭祀。無人王氏深恩。未報長辭。人世實所不甘。且身若自盡。喪亡被告。愈無忌憚。不如繕具呈詞。叩求官府。念此威迫退婚。實非本人同意。立提被告到案。恩斷破鏡重圓。民入室家團聚。自當感恩戴德。於畢生祖宗血食綿延。亦當結草銜環於地下。附呈庚帖一紙。兼及月老姓名。衆證昭然。豈容奸人狡賴。真憑具在。自無一語虛詞。銜冤上告。

爭產誣陷之惡稟

楊瑟嚴

李氏媳婦因與族人爭產。求教於楊訟師。楊訟師命媳婦自己打破家中什物。

器皿。然後爲作一稟控族人。其控詞云。

爲欺孤滅寡。毀家逼醮。事未亡人。夫死骸骨未寒。而惡族羣起。覬覦某某等。本無賴之尤野心。狼子靡惡。不爲近見。民夫下世。垂涎已非一日。霸產逼醮。率衆毀家。無法無天。欺人欺鬼。全由某某爲首。行謀糾同族衆。勢逾虎狼。成羣結黨。夤夜入氏家中。將亡夫靈位撤去。逼氏別抱琵琶。田產悉被分占。倉庾盡爲所奪。家資盡罄。呼籲無門。什物搬移一空。情形有如盜劫。氏立志不渝。生命無殊。朝露呼天。不應叩地無聲。惟賴長官立提族惡。痛加申斥。生者當感救命完節之恩。死者應結草銜環之報。迫切上告。速解倒懸。

〔評〕筆銳如刀。咄咄可畏。

### 爭葬祖墳之惡稟

謝方樽

某富翁初營佳城。將爲先人下土。忽有無賴出佔其地。冒稱此地爲先世祖墳。不許富翁葬柩。富翁請謝方樽作一訟詞云。

爲強佔祖墓。硬行爭葬。事陽宅陰穴。事同一律。基地各有主人。豈容硬行安葬。原

其強爭橫奪之罪。當與佔據田宅同科。事關驚動先靈。尤應加等懲誡。竊民家祖宗墳墓。歷代皆在北山。所有桃源澗傍。乃是曾祖父母基地廣闊。松柏陰森。嘗檢舊時券契。地爲胡氏祖墳。迨子姓式微。因而得價售賣。契約確鑿。事歷多年。但其墓之左偏。尙有胡氏祖墓。不忍究爾遷棺。暫仍其舊。可謂深仁厚澤。體及其微。胡氏人鬼有知。皆當感激無地。而且胡氏雖有子孫。祭祀概從缺典。民家每逢祭掃。憫其血食無從。輒爲代辦酒肴。兼及紙錢銀錠。澤及枯骨。先人旣已多情。憫等恤隣。子孫習爲成例。民家之於胡氏。可爲盡義至忠。胡氏苟有人心。允宜五中銘感。豈意其狼貪成性。虎噬無良。前日坟丁報告。忽有異事發生。胡天保將舉其父胡雲槎之喪。葬於其祖墓之側。民聞言驚駭。卽詰問原由。天保堅稱祖墓尙有餘地。並未轉售他人。今此埋葬雙親。他人豈容過問。民當出契相示。彼乃堅不肯遷。窺其意旨。且謂契不足憑。若已售人。安得尙存胡墓。如此強詞奪理。實爲負義忘恩。不特民之先人。必不安於地下。卽恐胡之曾祖。亦抱愧於九泉。爲此檢呈契約。伏望依律嚴懲。飭提天保到案。勒令卽日遷移。俾得劃清界限。以免後日糾纏上

告。

### 佃戶賴租之惡稟

謝方樽

佃戶因荒年不還租。業主某豪霸。必欲其償。控其欠租。佃戶求方樽作一狀。爲虎嚼民膏。事蹄躑之水。易竭。狼虎之慾。難填。乞賜矜憐。免傷蟻命。竊民承種勢。豪伍氏田畝。已曆數十餘年。租仔每歲清償。并無絲毫尾欠。自伍天保接登田產以後。征收蠻橫無比。非特粒米不讓。而且額外株求。去年新定律例。每田一畝。加收脚米三升。民不堪其虐。情懇稍爲減讓。天保不但。不允。而且惡民多口。增加租米三斗。謂爲多口。米民受其叱辱。已不甘心。況復橫征實無餘力。祇得欠米一石另五升。待異日清償。及其肩米往還。天保任情暴斂。謂因民欠米多時。致彼大受損失。當再加收五斗。以補虧耗。民聞此調言。不勝驚駭。據理力爭。彼乃大肆咆哮。民當時不合負氣。即行肩米還家。舊歲適遇水災。田畝盡成澤國。伍家司帳。曾因察勘來鄉。目覩情形。亦爲歎惜。計以豁免租仔。民方感德銜恩。豈意春熟豐收。天保貪心。又起。呈奉憲天。追比遽而反汗。前言如此。苛斂強征。何異狼貪虎暴。竭民

瞓手。胝足之勞。難供。吸髓。敲膚之慘。伏念被災田畝。官中底册可查。租額本有一  
定斗升。豈容業主橫加婪索。推其貪得無厭之心。非絕民一家衣食。不肯罷休。惟  
有仰懇憲恩。詳加偵察。得全蟻命。啣結靡窮。哀哀上告。

控叔吞家之惡稟

謝方樽

鄉有某甲早孤。寄食堂叔籬下。叔吞沒其產。姪長。心不能甘。求方樽作此狀。  
爲吞家絕食。事矜憐。孤幼。雖有教養之恩。吞占田房。實有虎狼之暴。竊民早失怙  
恃。年祇七齡。依叔嬸而居。蒙教養之恩。然先人遺業甚豐。概歸叔嬸執管。民托庇  
字下。不至耗及叔嬸之家資。而嬸氏相待。頗少親愛之意。衣則破惡。食則粗礪。民  
得有護庇。安敢分爭。荏苒之間。民年十八。叔父爲民授室。即行當衆宣言。凡民父  
之遺資。悉已消耗殆盡。頻年衣食。已經出入相衡。婚禮所需。應以田房作抵。自今  
日以後。姪夫婦即當遷出外間。念手足之情。當以余之市房一所。假姪夫婦居住。  
一年衣食所需。當自爲計。余年已邁。不能爲姪代謀。姪已成。人亦應速尋生理。余  
死後。亦可以告無罪於長兄。當場親友聞此數言。不勝驚駭。僉以萬金家產。豈一

人之衣食所能費用無餘。而以他人家事未便預聞。面面相看。莫肯出首。民此時憤激萬分。卽與叔父理論。叔父恃在尊長一味專橫。謂余實吞沒家產。儘可告訴當官。民見此情形。知難理論。默然無語。任其主張。惟念予年幼未諳世故。今爲叔父所逐。使民悵悵無依。營業旣無資本。坐食又苦無資。勢必饑寒交迫。危及性命。民生命不辰。父母早背。生固無樂。死亦何悲。而新婦何辜。無端墮入羅網。紅顏少婦。彌復堪憐。因此邀同母舅張紫宸。撰詞呈請憲天。俯予鑒核。民父遺產旣已爲民衣食耗盡。叔父必有帳據可憑。望准詞飭役吊帳檢查。民受叔嬸長養之恩。不欲過爲己甚。但求略得遺產。可資謀生。祖遺房屋。可以棲身。而蔽風雨。感恩無旣。戴德靡窮。上告。

### 窩賭強奸之惡稟

趙元卿

爲窩賭強奸事。賭博近於竊盜。昏夜易出奸情。名譽有關。叩求究雪。竊民與蘇寶成。本爲親戚。合屋同居。近忽異想天開。聚衆賭博。抽取頭錢。以謀衣食。棄正業而不務。犯明禁而不畏。肆無忌憚。衆惡昭然。寶成住房。在第四進。民之私室。在第三



進。凡來蘇氏賭博者。必經過民之房闔。一至黃昏。狗黨狐羣。磨肩接踵。雜沓而來。自昏達旦。出入喧譁。迄無安謐。民煩擾不堪。正言告戒。寶成怙惡。曾不稍悛。民無可如何。暫且隱忍。一面尋覓房屋。預備搬移。豈意賭徒中有淫棍。尹大者。綽號飛天。夜叉無惡不作。所犯奸案。罄竹難書。前因調戲良家室女。被人告發。曾蒙枷責。限滿依然釋放。尙無幾時。尹大稍有人心。自當悔過。知改而乃習與性成。復萌故態。窺民妻周氏。姿容豔美。又起淫心。前日來蘇氏賭博。經過堂中。止步兜搭。語言調謔。妻子惡其輕薄。迅卽避入房中。棍徒未遭斥辱。認爲有意通情。臨去之時。以其約指二事。託蘇氏小婢轉送民妻。妻知其蓄意不良。斥責小婢。囑其速將金戒送還棍徒。卽告知日中之事。使民速卽覓屋移居。免處此荆棘之中。或釀意外之事。變生肘腋。後悔難追。民深是其言。以移居爲要。惟一時未得相當房屋。祇可暫緩須臾。昨日天將向夕。民因赴戚家喜宴。尙未回家。民妻獨坐房中。挑燈守家。中奴僕無多。祇有一媪二婢。皆在廚房預備晚膳。淫棍尹大色胆包身。又來蘇氏聚賭。窺見四面無人。時在黃昏。未至蘇室。小婢金戒未及付還。尹大竟進房中。聲

言愛慕。今夕幸遇。可爲天緣。蘇氏婢子荷花。曾否將予之金約指。呈送粧臺。若蒙不棄。許締鴛盟。今後衣飾金珠等物。情願代爲置備。民妻見其闖入房中。已經驚惶無措。聞其無恥之語。尤復氣忿交加。正言厲色。令其速出。若再逗留。當呼婢媼。淫棍見事不諧。輒使強梁手段。直前擁抱。意欲強奸。民妻魂魄驚飛。欲喚婢媼。苦難出口。慌迫之際。卽取桌上小剪刀。刺淫棍頸中。此時性命關頭。別無他種顧慮。翦入頸內。一寸有餘。尹大受此巨創。頓時暈絕。仆地無聲。血流如注。民妻得保身命。始行叫喚衆人。婢媼入視。靡不驚駭。適民回家。覩狀駭絕。急喚寶成。告以始末。寶成無所爲計。托人舁之歸家。民妻驚魂甫定。痛哭無休。謂身本清白之躬。雖未受惡棍奸淫。已爲其貼身擁抱。西江之水。不能滌此羞慙。頓地呼天。但欲覓死。民多方勸慰。徹夜無眠。伏念禍根。盡是寶成窩賭而起。若不呈請究辦。再有他種變故。受害何堪。叩求立提蘇寶成暨淫棍尹大。按律懲辦。以儆不法棍徒。庶民夫婦。得以夜寐夙興。安居度日。迫切陳詞。務希准予究懲。靖閭閻而伸法紀。生死啣結。瀝情上告。

帷薄不修之惡稟

孫大尹

爲帷薄不修。捏詞誣控。事妻子宣淫。而不禁甘爲曳尾之龜。奸夫爭風而行凶。幾釀流血之慘。竊民與嚴金範合宅同居。各安生理。其妻范氏淫蕩性成。不知羞恥。人盡可夫。曩因黃昏時候。與奸夫在門側行奸。爲身撞破。范氏恐身多口。先發制人。俟金範回家。哭泣陳氏謂民無賴。逞力逼奸。金範夙畏妻如虎。聞言暴怒。不問真僞。扭身痛毆。身本意欲爲包荒。豈意其橫加暴行。當邀隣衆。備訴真情。涇渭既分。金範羞愧難掩。當衆服罪。范氏醜聲。遂以四播。鄰里盡曉。婦孺皆知。因此事發生。夫婦二人。乃銜民刺骨。屢欲報復。未有機緣。昨夕黃昏已過。忽聞范氏驚呼之聲。民與僕人驚往審視。則淫棍尹大浴血仆地。利剪尙在頸中。金範呆立房中。面無人色。民止其喧嘩。俯視尹大。傷非致命。迅卽救援。拔去剪刀。敷以藥物。雇人昇送還家。方能太平無事。事後悄悄詢小婢。方知起釁由來。蓋范氏先與尹大有私。衣飾金銀。予取予求。尹大從無吝色。前後所得。已有千金。近復與朱紫陽有染。情好甚殷。拋撇尹大。視同陌路。尹大察知其情。不勝忿怒。聲言尋釁。欲得甘心。今夕冤

家路狹。覲面相逢。口角相爭。繼以用武。范氏心愛紫陽。恐其不敵。舉剪猛刺。陷入頭中。尹大昏倒地上。紫陽即刻奔逃。原其事之所由。乃爲爭風之故。民夫婦既聞婢言。不勝太息。謂范氏如此荒淫。舉動全非人類。而金範不加禁止。可謂全無心肝。豈意金範夫婦蓄心欲報宿仇。借此事端。橫行誣讒。捏詞誣控。朦混憲天。謂民窩賭。招引匪類。尹大爲民賭友。路經嚴氏房外。覬覦范氏姿色。先行調戲。覓空強奸。范氏竭力拒奸。因以剪傷尹大。一夕幾傷兩命。禍根盡起。民人如此射影含沙。盡是蜃樓海市。兩家婢僕。可作證人。尹大受傷未死。尤有活口可憑。一經訪查。涇渭立判。乞恩立提嚴氏夫婦。兩家婢僕傭人。以及尹大紫陽地方隣里。當庭詰問。顯分僞眞。縱奸之罪難逃。誣告之刑不道。以懲無賴而安良懦。上訴。

### 告大寵妾之惡稟

卜林望

爲寵妾欺妻。乞求救命。事夫婦之恩情。最重嫡庶之名分。須嚴竊氏奉父母之命。由媒妁之言。歸金顯庭爲室。金氏家本寒素。衣食不周。賴氏十指辛勤。七載佐夫生活。夙興夜寐。不厭辛勤。縮食減衣。不辭勞苦。頻年勤儉積蓄。家道得以小康。豈

意男子寡恩。生成薄倖。既得飽暖。便縱淫慾。託嗣續之虛名。娶長舌之惡婦。初猶嫡庶攸分。不加凌虐。迨夫日久。漸肆譎張。漫聞之譖。無間晨昏。膚受之愬。日以漸積。氏夫惑其讒言。遂致得新忘故。不情之言語。觸耳紛來。瑣屑之米鹽。亦遭詰責。民猶望其一朝醒悟。憶及夫結髮恩情。忍氣吞聲。不與理論。而乃人欲既肆。天理無存。叱罵習爲恆事。近復加以鞭箠。面目悉覺可憎。待遇絕無人道。氏忍無可忍。稍報以惡聲。氏夫嗔怒。扭髮痛毆。惡妾金花。幫同揪打。幸婢媪憐氏無辜。插身竭力勸解。免傷性命。殘喘苟延。切念些微家業。半由氏之十指而來。氏夫不念曩情。輒復欺妻寵妾。以淚洗面。觸目傷心。爲此呈告台端。乞爲作主。斷分家產。俾得蒲團佛火了此殘年。雖死之日。猶生之年。銜冤上告。萬望成全。

妾訴妻誣之惡稟

張惠民

爲缺望事。嫡庶自有名分。悍妬實所難堪。乞恩斷離。以全性命。身父在母亡。既無姊妹。又乏弟昆。父女二人。相依爲命。家本亦貧。又遭凶歉。身之聘夫。不幸身死。子立無依。里中富豪。爭欲納身爲妾。當以父親年老無靠。欲娶身爲妾者。不問聘體。

多寡。苟能養身。父親終老。乃喪葬諸費者。從之。當有王志青者。以中年乏嗣。情願爲約。由媒說合。即日過門。父亦隨身就養。過門之後。夫主相待。頗有恩情。正室俞氏。初亦青眼相看。情如姊妹。方慶所事得人。終身有靠。身亦自知謹慎。待人接物。務盡謙和。謹事正室。不敢亢禮。惟夫主以年逾三十。未有子嗣。三世單傳。急於得子。正室有病不育。是以納取小星。故恒在妾房歇宿。月餘未入正房。身窺知主母之性。頗有嫉之妬心。苦口勸夫。願均雨露。夫子以嗣續爲念。不肯俯納妾言。歷時既已稍久。主母妬意漸萌。初尙借端託諷。指桑罵槐。繼而直言叱責。任意譏評。謂身狐媚。蠱惑丈夫。身本良家女子。豈肯受此穢言。淚溼枕函。傷心無地。衾稠在抱。怨實命之不猶。獅吼警心。歎遇人之不淑。猶念人非木石。誠可格天。我苟盡心奉侍。彼當悔悟。可期日復一日。非惟不改故態。且復凶醜愈增。叱罵之後。繼之以鞭箠。忿恨之餘。遷怒於夫主。前日盛怒之下。以木棒擊身頭部。頭破血流。夫主從傍勸阻。即以木棒加夫。用力剛強。幾傷筋骨。夫主怒其潑悍。另尋房屋。使身父女同居。避此悍婦。正室怒無所洩。遂以寵妾凌妻。得新妄故等情。呈控憲天。欲求析分。

家產伏念夫之娶妾。原爲生育子嗣。妾之賣身。原爲養活老父。今既不容於嫡。使夫不安於室。生趣全無。即充其所願。將家產均分。以後借事興波。終必尋仇洩恨。夫之子嗣。不可必得。妾之生命。必爲所傷。妾死之後。父亦終難存活。爲此泣求矜惜。恩准斷離。使妾夫給妾日用之資。妾仍與老父相依度日。閉門守節。終老餘生。生爲王氏之人。死爲王氏之鬼。邀天之幸。正室或可悔悟之時。仍可闔家完聚。啣冤上訴。不盡苦情。

強奸幼女之惡稟

王汝望

爲強奸幼女。罪惡彌天。氏生命不辰。青年夫故。遺有一女。視若掌珍。方期教養長成。擇一東床快壻。贅入家內。倚靠終身。豈意橫遭鄰惡。逞勢強奸。欺壓孀孤。暗無天日。氏女綠珠。年方十二。夙與鄰惡胡友如之妻楊氏契好。朝夕往來。倘遇風雨黃昏。輒後停眠整宿。詎友如窺女。頗有姿色。屢次謔語調奸。綠珠年幼。不解風情。每聞戲言。付之一笑。友如謂女有意。乃敢色胆包身。既起淫心。遂生毒計。楊氏不念女幼。與夫通謀。前日僞稱夫出。留女伴宿數宵。友如俟女睡熟。潛入衾中。樓

抱強奸。血盈衣袴。昏絕數次。疼痛難言。待到天明。逃回家內。泣訴情事。痛不欲生。氏聞女言。傷心欲絕。痛女以童穉之年。遭此禽獸之行。此生已矣。夫復何言。生命縱得保全。名節已經掃地。將來婚嫁。亦已爲難。伏望立提色棍。律以重刑。庶端風化。而肅倫常。懲奸惡而伸法紀。啣冤上告。所有血衣血袴。當行呈案。以作證憑。

### 並未強姦之辯訴

卜林望

爲六月飛霜。乞救無辜。事禍生不測。豈能預防。變出非常。安可逆料。身以教讀爲業。娶妻楊氏。夙擅女工。鄰家女子。爭來納贄。求學。徐某之女。綠珠亦在學徒之中。前月身因事外出。妻留綠珠伴寢。身於黃昏歸家。卽就傍榻歇宿。次早回歸家內。並無一言及奸。徐張氏愛女情切。見其衣袴染有血跡。不問來歷。來家吵鬧。身以其言出無狀。報以惡聲。徐張氏啣此微嫌。遽行捏詞控告。謂身強奸幼女。實係海市蜃樓。乞恩明鑑。察其冤誣。身妻尙在青年。姿容亦頗豔麗。身卽貪淫。何所羨於童穉幼女。此其真僞。不辨可明。且綠珠是否曾遭奸污。猶可核驗。其是否原身懇予澈究。以豁沈冤。急迫上訴。



# 名士戲控之妙稟

趙甌北

趙雲松觀察。戲控袁簡齋太史於巴拙堂太守。太守因以一詞爲袁趙兩家息訟。並設宴郡齋以解之。想見前輩風趣。其控詞可發一噱。

爲妖法太狂。誅殛難緩。事竊有原。任上元縣。袁枚者前身。是怪括蒼山。忽漫脫逃。年。老。成。精。闔。羅。殿。失。於。查。點。早。入。清。華。之。選。遂。膺。民。社。之。司。旣。滿。腰。纏。即。辭。手。版。園。倫。宛。委。佔。來。好。水。好。山。鄉。覓。溫。柔。不。論。是。男。是。女。盛。名。所。至。軼。事。斯。傳。借。風。雅。以。售。其。貪。婪。假。觴。詠。以。恣。其。饕。餮。有。百。金。之。贈。輒。登。詩。話。揄。揚。嘗。一。贊。之。甘。必。購。食。單。仿。造。婚。家。花。燭。使。劉。郎。直。入。坐。筵。妓。宴。笙。歌。約。杭。守。無。端。闖。席。占。人。閒。之。豔。福。遊。海。內。之。名。山。人。盡。稱。奇。到。處。總。逢。迎。恐。後。賊。無。空。過。出。門。必。滿。載。而。歸。結。交。要。路。公。卿。虎。將。亦。稱。詩。伯。引。誘。良。家。子。女。蛾。眉。都。拜。門。生。凡。在。臚。陳。概。無。虛。假。雖。曰。風。流。班。首。實。乃。名。教。罪。人。爲。此。列。穎。具。呈。伏。乞。按。律。定。罪。照。妖。鏡。定。無。逃。影。斬。邪。劍。切。勿。留。情。輕。則。付。之。輪。迴。化。蜂。蝶。以。償。夙。孽。輕。則。遞。回。巢。穴。逐。獼。猴。仍。復。原。身。上。控。

〔評〕看他全文羅織如許罪狀均屬實情實理。不僅爲游戲筆墨也。當世不乏好名之士。結社捧角。廣風流之教主。佞緣倚紅。貽蒲倖之羞稱。此尤爲簡齋之罪人也。

滑稽討鼠之妙檄

馮步雲

蠢爾么麼。藐茲小醜。黍當要道。寂處幽宮。絳幘曾冠。論公庭之生殺。紫衣儼著。命內室之職司。理宜安士庇民。無或害人。損物庶幾。堉垣疆團。賴爾救寤。門闕階除。憑伊鎮靜。不意雄心竊發。狡詐陰行。結社以居。每灌薰之難置。穿墉爲惡。竟牙爪之多。傷始則私蓄圖謀。繼則大施虜劫。哀哉二尺。猛或食乎郊牛。痛矣一升。毒更殘於出黍。此所以景公聞之而色變。晏子對此而討窮者也。爾其貪饕成性。暴殄居心。李林甫蒼大驚。奇張牙怒目。盧樞密白衣致怪。執蓋稱觴。大則銜牲成災。小則吐腸詫異。循牆而走。潛傾中饋。珍羞拱穴而來。漸汚文旆。錦繡以至。食蛇竊肉。與種種之災殃。熬火負水。釀重重之怪誕。又或入夜而呼號。頓起通宵而搶掠。頻仍乘輿馬以翼行。何其幻也。具衣冠而晉謁。不亦妄乎。力欲翻盆。每肆庭前之咄。

啐巧爲藏葉長來宮裏以猖披文士案頭吮去生花之筆佳人帳底驚翻行雨之  
魂共蝠蝠以憑陵雜狐狸以助虐蚊雷起處窺人而跳脫偏多蛙鼓鳴時齧物而  
縱橫屢作凡此略无顧忌俱爲法所難容嗟乎爾形甚小爾志何狂爾身可輕何  
不食盜而化爾腹可果何不飲河而甘爾號偏奇何不共安乎掛象爾年可壽何  
不永守其肝腸胡爲乎住葉於穴中胡爲乎揚威於窟外小矣蟳蜃胎化遂敢摸  
亂於宮闈拙哉螳螂變成竟欲憑依土字用是聲其罪惡大討誅鋤命蚤蝨以興  
師率鸛鵝以成陣刀劍鳴則雷霆疾作旌旗動則龍虎紛馳凡爾同人并宜僂力  
韓灰宋鵠挺牙刀而百步飛來奴女仙歌轉目火而一羣擁出絕其族類似子卿  
之掘於匈奴柱彼門庭如長史之鋤於京口或擅奇謀於田字或攻要害於神邱  
射王肅之金矢流星乍落奮東坡之寶劍血雨交流莫謂五技可憑試問魚麗軍  
前果誰勝而誰負莫謂千斤可保請看鯨鯢隊裏究孰逐而孰奔庶幾餘孽可清  
用安寤於永夜羣雄盡走長鎮靖於遙區播告一修中外莫逆

〔評〕腹笥便便工於組織

控告偷花之妙稟

繆良

繆蓮仙先生爲滑稽文之老作手。此偷花一稟亦其大著。極辭藻濱汾之妙。錄之以博一粲。

爲狂且刃傷十姊妹。竊負而逃。抱屈無伸。代芳魂乞命事。竊某黍居蓮幕。偶寄萍踪。當春光爛漫之時。值嘉卉芬菲之候。如十姊妹者。相依芸館。愁中倩作梅妻。並列蕉牕。客裏權充菊婢。嬌容美貌。弱質堪憐。同氣連枝。貞心共守。我原好色。頻加灌溉之勤。誰復偷香。取肆穿窬之盜。詎有猖狂豎子。排闥而來。公然唐突佳人。巡檐而索。暗藏利器。傷哉燕剪梨花。強奪柔枝。慘矣蜂針棘刺。鎖二喬於臺上。遣恨東吳。封三國於宮中。徒悲西蜀。惡如承嗣。借碧玉而不還。捷若崑崙。負紅綃而竟去。遂使金釵十二。箇箇攢眉。致令粉黛三千。朝朝蹙額。凡此忘行殘虐。豈能稍事姑容。伏陳紅杏尙書。維持衆豔。投告紫薇郎君。保護羣英。庶餘芳獲命於林間。免幽魄含冤於地下。蒲鞭示辱。不足蔽其辜。竹杖輕批。實難紓其憤。按以荼毒生靈之罪。例諸草菅人命之條。是宜拘禁後庭。先償花債。尤必昭彰前鑒。合置宮刑。謹

狀。

管領鶯花平章風月事。惜花御史批。勘得某愛花若命。嫉惡如仇。小子何知。擅敢肆其戕賊。佳人受厄。自應問以抵償。合依原狀施行。庶使後來知驚。此讞護花使者批。才子多情。爲惜花而早起。佳人薄命。恒墮溷以同憐。偷邀花蔭於芳鄰。不遺葑菲。當念栽培之雅意。未忍摧殘。乃抵觸藩籬。竟致萑苻之盜。則殲除逋藪。合興草木之兵。執的紡於庭槐。刑心嚴於釜楚。褫其狂魄。慰被香魂。風流教主批。作詞若黃絹幼婦。斷獄如刑廷老吏。護司花使者。按擬定罪可也。

偷花自首之妙供

繆良

供得某蒲柳庸姿。識猶慚於辨菽。芄蘭弱質。性奚解夫尋芳。何期姊妹之行。偏逞女兒之態。芙蓉池畔。舒葩而豔勝六郎。霜雪叢中。芳節則貞逾三友。遂搖動隔牆之影。潛伺玉樓。因而思傾國之容。欲藏金屋。伊人宛在。謂非緣木以求魚。夫我乃行。用是借花而獻佛。劫柳枝於韓氏。沙叱利方喜謀成。遣西子於吳。種大夫正誇

計得。詎意明妃遠嫁。結好匈奴。翻緣息媯不言。興師蔡國。徒罪夫綠林君子。不已甚乎。招尤於紅粉佳人。良有以也。矧僅采來盈把。非同無厭之求。試看插得滿頭。尙屬有情之盜。惟冀原情開釋。庶幾改過自新。從教宋玉獨居。不顧東鄰之美麗。共仰召公布化。長留南國之甘棠。望切傾葵。感深結草。供狀是實。

〔評〕舌底蓮生。筆端花吐。殊覺娓娓動人。

認師惡稟菁華

四八

# 刀筆餘話

衡陽秋痕樓主撰

清季訟師中不乏出奇勝之材。惜爲功令所嚴禁。不能明目張胆。出人頭地。觀其筆下妙文。雖一字一筆。儼若刀劍。在在足以左右其事。生殺其人。自非材大心細。曷克臻此。如吳中李某。年祇十四。已嶄露頭角。會某年有邑紳之女將嫁。忽被比隣無賴鑽穴逼姦。并勒其金條脫而遁。女則痛欲自戕。某紳更憤備異常。捕得無賴送之郡署。必欲置之死地。無如投鼠忌器。又不忍明言逼姦情形。狀中初書「揭被勒鐲」字樣。又恐不能入無賴于死罪。不能決聞。李某年少多智。往求指教。李曰。勒一鐲。詎足以死一人。依吾計議。不如將此四字倒置。改爲「勒鐲揭被」。紳從之。狀下判處死刑。後有不解其意者。詢之李某。李曰。揭被勒鐲者。意在鐲故。揭被不過取財耳。其罪一也。勒鐲揭被者。則旣劫其鐲。復汚其身。是盜而又益之。以姦兩罪。俱發。無生望矣。衆皆拜伏。李某真能不著點墨。生殺人命者。良可畏也。又有人爲馬足踐傷者。控其主人用「馬馳傷人」四字。屢控不准。求教於某訟師。某曰。馬馳傷人者。罪在馬不在人。君則可控馬不能控人。依我之見。只須到置一



馬馳」二字。改爲「馳馬」傷人。則語意與前絕不相同。以罪在人。不在馬。必能准也。其人從之上果。責被告太不小心。應賠償醫藥之費。結案云。

前曾文正公平匪。屢敗上疏。自責有語云「臣屢戰屢敗」。有幕僚見之。請公將四字倒置之。爲「臣屢敗屢戰」。公稱善。不置。蓋屢敗屢戰。便覺精神躍然。紙上自有餘勇。可賈與前語之索然無興。固相去霄壤也。甚矣中國語言形之于文字中之難能也。

蘇郡陽澄湖口浮起一屍。地方保甲循例報驗。呈報單上有「陽澄湖口發見浮屍」之語。乃爲口岸人家所見。大不爲然。蓋恐涉及謀斃情狀。多所周折耳。中有訟師某。工刀筆者。即于呈文內口字之中。加一豎。則成「陽澄湖中」矣。湖中屍首固不涉口岸人家。衆大加贊賞。

遜清末葉宮闈穢亂。佞臣有進春藥者。時某大員忠正不阿。上章諫。奏上難以措詞。置辯。因托暗內臣徵召。工于刀筆之吏。代作有句云「朕不知春藥究爲何物」。某大員亦無詞以答。祇可置之不問。

有告盜劫者狀中有云「從大門而入」後盜賄通撰狀者求筆下超生撰狀者錢既入橐即將大門而入之大字上加上一點爲大門而入狀進邑令以胥小論薄責了案

事出有因查無實據與查無實據事出有因同是兩句一爲倒置已大有出入事出有因查無實據即不爲罪蓋謂誹謗之來或出有因而詳加調查確無實據也若謂查無實據事出有因罪即成立蓋雖無實跡之可尋確有其事之原因或爲當事人畏罪匿藏或爲犯罪者運動靡縫終不能爲無罪之洗刷也甚以中國文法之不可思議因此足以啟一般心思靈敏之人舞文弄墨架詞聳聽也清季某臬司與某將軍交惡值丁祭將軍上階謁聖階下有石子將軍未見蹴之幾仆臬司在後見之即舉此上控以爲大不敬朝廷降旨命府詳覆當祭聖之時府與臬司將軍固同在也府又不能不詳又不能左右袒繞室彷徨苦無良策衆謀士亦面面相覷無計可獻府因囑覓刀筆吏有李某者胸有成竹見府公自言須每字百金之代價府允之李某抽筆捷書呈府府見祇有九字云「臣禮宜先

行不違。後顧一遂大贊賞。以千金酬之。謂左右曰。幸此人深思。否則我亦將犯罪。蓋府應先行背後之事。何以得見如直言見之。則見時必須回顧。回顧已先犯藐視。至聖不恭祭典之罪矣。此人誠心細如髮一語卸責其心思之靈敏。無人能及。府即舉以上聞。上以此事既無證據置之不問。

工于心計之人。即近世亦在在有之。如蘇州潘某。專爲人設計刻薄凶狠。無與倫比。有某公嗣一子。以不得承歡。欲廢棄之。而苦無措詞。過失之可尋。因謀于潘某。潘曰。此易易也。欲加之罪。何患無詞。翌日。因出鈔洋百元。托某公遣嗣子往市上購一飾物。嗣子唯唯而去。潘某追踪于嗣子之後。忽指其摸去身畔鈔票百元。巡警搜其身畔。得之。嗣子堅稱父命購物者。巡察拘之入局。招其父來問之。父忽不認。托子購物而其罪乃實。拘留二月。期滿後。父即以此爲詞。不認爲嗣子。而另嗣他房之子爲子。潘某之計陰險如此。可殺無赦。

有新婦控其夫生殖器不完全。不能生育。請離異者。其實則新婦素有外好。不甘父母之命。媒妁之言。嫁與人作偶耳。審官命醫生驗之。謂精虫強健。無不能生育。

之特徵而女則堅稱不能舉陽自嫁後從未同夢過問官不能女決之夫乃求教于蘇州潘某潘命反控女爲石女亦不能生產夫從之問官亦命驗之則既非石女亦非完璧女乃失敗甚矣其別有肺腑也

訟師惡稟普華

刀筆餘話

六

# 附錄

## 解鈴人語

吳縣諸履葆遺著

或告予曰。予可云健訟者焉。心思之靈敏。謀劃之奇巧。手段之活潑。口齒之伶俐。誠無出子右者。本茲以作訟詞。則靈機慧計。奔赴筆端。宜乎無往而不利焉。可爲訟者師矣。予聞而却步。曰。若子所云。予豈敢當。予之爲此。恨下愚無智。屈於強有力者下。若夫上智之士。自能省身約法。窒忿息爭。旣心空大慾。自體遠五刑。安得有予置喙之餘地者哉。故予實非導人以鬥智競巧。實爲人解鈴耳。爰作解鈴人語。以言乎訟之眞詮云爾。乾隆戊戌歲春王月既望。吳門諸軾識於春笑軒。

## 訴訟準備四要訣

### 自省要訣

訟從言從公。先哲訓人。謂非言之至公。切莫致訟也。故致訟之道。有三要訣。曰。一

情。曰。『理。』曰。『法。』我人既能於興訟之先。平心靜氣。瞑然而思之。度情。情不虛。度理。理不虧。度法。法無犯。三者既真。則必獲全勝。雖敵者來勢洶湧。可不必顧慮。一任赴湯蹈火之勇氣。與之對壘。彼未有不棄甲曳兵而走者也。

防敵要訣

知彼知己。百戰百勝。我既『審情』。『度理』。『知法』。以告人。尤須防被告者之捏情。敵我。我須。百方探聽之。體察彼之如何辯訴。爲止。熟思逆料。然後不達所欲之地。位不止如下棋。然平心靜想。一着有一着之局。一步防一步之變。謀出萬全。方能應敵。斯可制人。而不受制於人。百戰而百勝也。不則魯莽從事。未有不反手縛手。本欲制人。反爲其所制者也。

狀詞要訣

凡爲人。初作狀詞。更當全神灌注。字字慎密。語語細詳。作者宜置身其間。暗自推詳。一文既成。反覆閱之。然後試處己身。爲長官吹毛求疵。以駁之。無疵焉。更處己身。爲被告。委婉曲屈。以辯脫之。難以脫。然後入之。則所謂萬丈高樓。從地起。汪洋

漫野一川收者是已。

訴訟要訣

凡作狀訴之法。須立「主語」「冒語」。其要訣則猶作文之有「破題」「承題」「主語」。爲題冒語一承。須要言不煩。以少少語勝入多多語。彼作蝦蟇之惱。我效雄雞之鳴。自是合度。主語之訣有「明」有「暗」有「奇」有「正」有「順」有「逆」有「獎」有「激」。如明用主語則暗用冒語。以承之如暗立主語則明用冒語。以承之如奇立主語用正冒語。以承之如正立主語則奇用冒語。以承之如順立主語則逆用冒語。以承之如逆立主語則順用冒語。以承之如獎立主語則用激冒語。以承之如激立主語則用獎冒語。以承之巡迴立主。立冒之要訣則不外乎揆情度理。按實擊虛。此八個字於狀訴之中最有關切。如人身之首領。必使秀麗軒昂。迥出塵表。望之儼然。奪人心目。方可入我絡索。

狀詞主語四要訣

獎激主語



大凡用狀詞中用獎激主語者匪出於大冤大罪事變非常之事用之或屢訴屢控不准或脫罪翻供大不得已而後用之激發其必准之詞務要事事入理字字稱冤實有冤據破彼虛誣使長官一見如夢初覺發人深省方為能手庶可期以必勝

明暗主語

大凡用明暗主語者須於各式公呈上用之如懇情弭變事是為暗言主語若承以食以衛生靈絕食民將絕命之語則一冒一承瞭如指掌閱者眉目豁然

奇正主語

大凡用奇正主語者須於各種告訴中用之如斬辟惡民事是為奇特主語若承以良農務田先去蠹賊等語則覺言之有理矣

逆順主語

大凡用逆順為主語者須用於戶役請求呈訴中如告為欺天事是以逆立主語承以租藉田出賦賴租供之語是即承之以順也

如是體而行之。方爲能手。尤須先後順序。脈絡貫通。有起有伏。有出罪。有入罪。有開門。有閉門。須入得罪。出得罪。須開得門。關得門。得其法。如明珠走盤。靈機活轉。不得其法者。如倒持太阿。授人以柄。當事者難免反受其害也。

### 狀詞十段要訣

凡握筆作狀詞。必有一定之呈式。不可造次搗亂。成竹在胸。依其式而書之。無復難事。不然則東扯西拉。言之徒覺雜亂無章耳。茲擬其式。凡十段如下。

#### 主意

首段曰主意。必先將全案事情之本末緣由精細議明。立一主腦。次或「借意」或「依律」。必與主意吻合。如常山跽首尾相應。

何謂借意。如告衙役。則用蠹騙如狐威。嚙民命。此類是也。何謂依律。如戶役類之於稱國課殃民是也。以此類推其餘。可想。

#### 緣由

第二段曰緣由。此乃當先事跡之根源也。務與事實相應。不可枝節。不可繁多。直

叙其事簡要言之可也祇須明白如話說來頭頭是道俾閱者一目瞭然

期由

第三段日期由亦爲訟詞中所不可缺者以言乎其事之起因從某月某日某事某所而起因也若年遠代埋可以不必若近事則可以免涉虛不盡之弊

計由

第四段曰計由此乃事之顯跡處從何入彼罪之路作者務宜斟酌損益盡善盡美第一當與得失相應不可繁雜失節不可草率脫字不可含糊其詞不可虛捏其語質言之卽計彼惡跡顯露之由也

成敗

第五段曰成敗乃論計由之後成敗之故亦爲入彼於罪之必要訣門撰者務宜詳情定決包含前後此段誠爲一狀主宰奧妙奇特悉係於此作者當深筆緊握熟度雌雄狀詞中如有擒身歐打踢妻傷胎等語是也成敗者謂被告之惡跡顯露昭彰難以遮掩者也

得失

第六段曰得失此乃揭彼狀中詐騙之語以證實之爲也所以入被告於詐僞地位脫自己之罪惡行爲故狀中亦不可脫去此段

證由

第七段曰證由一狀既明言成敗得失被告之罪惡彰然然后防其反誣必舉其誣方有確據故此段實爲一狀中之軸轆最關切要蓋恐有人偏護或受其私賄作此庶不致語語支吾可入人於罪地矣

截語

第八段曰截語此乃狀中總斷務要語語合律字字精警詞語壯麗情理慘傷一狀之中既有此段名曰關門則長官易於決斷無此一段則名曰開門易招被告之辯駁而多費紙筆與唇舌耳作者宜注意及之

結局

第九段曰結局此乃狀中之繳結處先須遵奉長官後證言律法務宜深中肯啓

要言不煩。如懇請按法重究等語。一狀之中不可忽之也。

事釋

第十段曰事釋。此乃告詞之後用二字或四字以收束之也。如翦害安民敦俗正倫含冤彰法照律正法等語是也。

以上十要訣作者不可嫌其呆板而忽之。當溶會貫通運筆務「刻」入罪務「酷」陳詞務「屈」設計務「惡」既「刻酷屈惡」則被告者雖有百喙亦難自文其過已。

靈機四要

凡作訟詞尤宜明辨事原精度一案之情勢緩急輕重大小而后探本立論想出從何入手從何攻訐而自已所處之境尤宜如兵家之虛者實之實者虛之不示人以究竟方為老訟作詞既依上法尤當別出新裁句斟字酌以銳利之筆鋒一語入罪或一字定論或半字翻案或一筆反覆是則神而明之相機行事不可形之於楮墨間矣。總言之心機靈動者隨意可入人罪地隨意可脫已罪案。只在二字間初視之輕描淡削無足為奇細思之而有不足為外人道也。

一語靈機

同一語也。足以生死人。其要訣。端在握筆時。將全案關鍵。默識於心。鍊爲數語。再鍊爲一語。然後更推敲數四。以定之。則字字從鍛煉而得。欲生生之。欲死之。端在我之筆尖。誠足以橫掃千軍也。

一字靈機

同一字也。或重如泰山。或輕如鴻毛。或毒如信石。或猛如豺虎。其要訣。則在深思靜念。玩索得之。而不可以語授。或隨口得之。或隨念得之。下此一字。實有千鈞之力焉。

一筆靈機

狀詞中。偶有加一筆。而生滅一筆。而死者。是訣誠不可以言傳。已機警者。每於無意中得之。如畫龍之點睛。然若從大門而入。與從犬門而入。實足以生死人耳。

一轉靈機

訟詞中有因一語顛倒而全軸爲之變動者。亦玄之又玄矣。如有人以馳馬傷人。

改馬馳傷人竟以自脫於罪者又有人以屢敗屢戰改屢戰屢敗而語意截不相同者抑亦神乎其筆矣

### 訟訴十忌

凡作訟詞第一筆不喜平語不喜複字不喜疊意不喜雜如此以外尤宜力避十忌十忌者一忌混沌不潔 二忌繁枝亂叶 三忌忘空招回 四忌錯用字眼 五忌中間斷隔 六忌狀後無結 七忌失律主意 八忌詞無緊切 九忌收羅雜沓 十忌妄空址拽 十者均避其為訟詞必大有可觀者焉

### 訴訟十說

#### 詞訟說

人有罔法為非關名犯義之事方可鳴公理論是故一詞字從言從司一訟字從言從公謂有司之言至公方能繼之以法弗致為橫道之徒而變亂事非也

#### 訴訟說

彼既以我之言為非公而欲面質於有司之前是則其人豈宜虛捏情狀妄造事

理。哉。訴。字。從。言。從。斥。以。言。非。實。在。而。斥。之。則。更。不。宜。作。謊。狀。以。瀆。有。司。也。

### 訐告簽告說

他。勢。在。鳴。官。我。更。執。詞。而。同。控。之。謂。之。訐。告。訐。告。者。亦。有。被。告。在。先。此。在。必。當。訐。告。者。然。后。訐。告。之。僉。告。者。或。二。三。人。或。五。六。人。連。名。控。告。耳。故。僉。字。之。中。從。一。人。中。二。口。二。人。也。

### 誣告說

與。人。有。小。隙。即。張。大。其。事。而。誣。之。者。因。愚。不。按。法。聽。訟。師。之。架。語。滿。紙。荒。唐。不。領。公。庭。三。尺。法。是。又。豈。明。暫。保。身。者。之。所。宜。耶。我。人。切。宜。戒。之。

### 越訴說

兩。造。既。勢。在。必。訟。甲。或。控。乙。於。縣。乙。不。願。爲。甲。之。被。告。而。翻。控。甲。於。府。是。爲。越。訴。越。訴。者。終。必。大。敗。蓋。越。告。者。已。與。長。官。作。敵。已。

### 公呈說

凡。地。方。不。論。善。惡。之。事。鄰。里。耆。老。地。方。保。長。公。同。呈。告。於。有。司。使。其。善。者。獎。之。惡。



者懲之而地方之民知所做惕風俗自趨於質樸矣。

脫罪說

我既情正理直或爲他勢燄錢神所屈以致身陷五刑心痛抑鬱必使一紙上呈而鐵面無私之長官爲之感動方可稱盡狀詞之能事矣。

和事說

事情無論巨細既已涉訟長官必使和而息之庶可免人勝負不休此亦斷訟之一道也在涉訟者亦宜得休便休不可固執不化。

私和說

歷閱古今智士豈能萬舉萬全如有無爲之爭悉憑親友勸諭即有些微委曲務宜容忍則亦臨崖轉轡江心補楫之一道也。